



Anders O Grevstad
Conrad Mohrsvei 15
5072 BERGEN

Referanser:
Dykkar:
Vår: 16/1383 - 16/19526

Saksbehandlar:
Anne Lise Molvik
anne.lise.molvik@lindas.kommune.no

Dato:
08.07.2016

Utsleppsløyve - gbnr 99/34 Våge.

Administrativt vedtak. Saknr: 354/16

Tiltakshavar: Alice B. Heggø og Arild Oppedal
Ansvarleg søker: Anders O. Grevstad
Type utslipp: Sanitært avløpsvatn med utslipp mindre enn 50 pe
Søknadstype: Forureiningslova § 11, jf. forureiningsforskrifta § 12-5

SAKSUTGREIING:

Tiltak

Saka gjeld søknad om utsleppsløyve for eksisterande fritidsbustad på gbnr 99/34. Eigedomen har i dag eit godkjend utsleppsløyve for gråvatn. Det vert no søkt om å installera vassklosett . Avlaupet skal reinsast i biologisk/kjemisk reinseanlegg av typen Biovac før det vert ført vidare i tett leidning til vassdrag. Anlegget skal gravast ned. Utsleppet sin storleik er oppgitt til 5 pe.

Det vert vist til søknad mottatt 20.04.2016.

Planstatus

Eigedomen ligg i uregulert område innafor det som i kommunedelplanen for Lindåsosane, Lygra og Lurefjorden sin arealdel er definert som LNF-føremål. Eigedomen er omfatta av punkt 4.19 i føresegnene til planen, det vil seia at eigedomen kjem inn under bestemmelsane for område avsett til spreidd bustadbygging. Eigedomen ligg i tillegg innanfor omsynssone merka H190, dvs sikringssone for nedslagsfelt industrivassforsyning.

Nabovarsel

Tiltaket er nabovarsla. Det ligg ikkje føre merknader.



Plassering

Plassering og utsleppsstad er vist i kart datert 28.10.2015.

Reinseløysing

Det skal nyttast biologisk/kjemisk reinseanlegg av typen Biovac. Anlegget er godkjend etter NS-EN 12566-3. Anlegget stettar reinsekrava for utsleppsstad i følsamt/normalt område med brukarinteresser, jf forureiningsforskrifta 12-8.

Drift og vedlikehald

Det er eit vilkår for utsleppsløyyet at anleggseigar inngår serviceavtale for drift og vedlikehald av anlegget, jf. forureiningsforskrifta § 12-14 nr 1 c.

Serviceavtale ligg ikkje føre.

Privatrettslege tilhøve

Avlaupsanlegget er i hovudsak plassert på eigedomen gbnr 99/23 som tiltakshavar også eig.

Naturmangfaldlova

Kommunen har vurdert prinsippa i § 8 – 12 i naturmangfaldslova. Ein har mellom anna sjekka det aktuelle arealet i www.naturbase.no og www.artsdatabanken.no og nytta rettleiing frå Fylkesmannen i Hordaland. Kommunen finn at tiltaket ikkje vil koma i konflikt med naturmangfaldslova.

VURDERING

Det er søkt om rehabilitering av eksisterande utslepp, men då det skal installerast vassklosett vert søknaden å vurdera som vesentleg auke av utsleppet.

Eigedomen ligg innanfor nedslagsfelt industrivassforsyning. Det er også drikkevassinteresser knytt til industrivassforsyninga. Det ligg ikkje føre klausuleringsføresegner for området per i dag.

Teknisk drift skriv i uttale mellom anna:

«Vågseidvatn, saman med Auste og Langavatnet ligg inne som framtidig kjelde til industrivatn og drikkevatt til vårt nye vannbehandlingsanlegg på Litlås som er under prosjektering i desse dagar. Då er kravet minirenseanlegg klasse A med etterpolering og uv.»

Kommunen finn etter ei samla vurdering at søknaden kan godkjennast på vilkår av at avlaupet frå reinseanlegget vert ført til etterpoleringsanlegg (t.d. jordbruksgrøft, sandfiltergrøft, kum med lettklinker eller liknande) før det vert ført vidare i tett leiing til vassdrag slik vist på kart. På grunn av interessene knytt til industrivatn/drikkevatt i området skal det tilretteleggast for trinn for UV-desinfeksjon.

Godkjenning etter andre lovverk

Tiltaket krev løyve etter plan- og bygningslova (pbl) kap. 20. Etablering av avlaupsanlegget kan ikkje ta til før naudsynt løyve etter pbl ligg føre.

VEDTAK

Med heimel i forureiningslova § 11, forureiningsforskrifta §§ 12-3 og 12-5 vert det gjeve utsleppsløyve for fritidsbustad på følgjande vilkår:

1. Avlaupet frå eigedomen skal reinsast i biologisk/kjemsik reinseanlegg av typen Biovac med anlegg for etterpolering, før det reinsa avlaupsvatnet vert ført i tett leidning til vassdrag.
2. Anlegget skal tilretteleggast for at det kan monterast ytterlegare trinn for UV-desinfeksjon.
3. Utsleppsløyve vert gitt for 5 pe.
4. Anlegget skal driftast og vedlikehaldast i samsvar med kap 12 i forureiningsforskrifta.
5. Det skal liggja føre serviceavtale for drift og vedlikehald av anlegget, før det vert gjeve løyve til å etablera anlegget etter plan- og bygningslova.
6. Eigedomen skal knytast til offentleg godkjend avlaupsleidning eller anna fellesleidning dersom slike vert ført fram til området og kommunen set krav om det.

Mynde

Saka er handsama og avgjort administrativt i medhald av delegert mynde, jf. kommunelova § 23 nr 4 og gjeldande delegasjonsreglement.

Klage

Vedtaket er eit enkeltvedtak etter reglane i lov om offentleg forvaltning (fvl). Vedtaket kan klagast på til kommunen, jf. fvl. §§ 28-36. Klagefristen er 3 veker frå melding om vedtak er motteke. Det er nok at klagen er postlagt innan fristen går ut. Klagen skal sendast skriftleg til kommunen. I klagen skal det gå fram kva det vert klagt på i vedtaket, og kva endringar ein ønskjer. Klagen skal grunngjevast.

Før det kan reisast søksmål om vedtaket er gyldig eller krav om erstatning, må høve til å klage på vedtaket vere nytta fullt ut, jf. fvl. § 27b.

Ansvar

Anleggseigar er ansvarleg for at alt arbeid følgjer føresegner gjeve i eller i medhald av forureiningslova og plan- og bygningslova. Om søknaden er i strid med offentlege føresegner, gjeld føresegnene føre løyvet. Vedtak etter forureiningslova inneberer ikkje avgjerd i privatrettslege tilhøve.

Bortfall av løyve

Er arbeidet med etablering av avløpsanlegget ikkje sett i verk innan tre år etter at løyve er gitt, eller innstillast arbeidet i lengre tid enn to år, faller retten til å etablere utsleppet bort. Om utslepp framleis er aktuelt må ny søknad sendast inn, jf. forureiningsforskrifta § 12-5, fjerde ledd.

Ferdigstilling

Når arbeidet med etablering av avløpsanlegget er ferdigstilt skal den ansvarlege for arbeidet skriftleg melde i frå til kommunen at anlegget er etablert og arbeidet utført i samsvar med dette løyvet. Samstundes skal

det senast inn stadfesting for montering frå det føretaket som har levert anlegget, og serviceavtale for drift og vedlikehald.

Plassering av anlegg, samt leidningsanlegg med kummar, knekkpunkt og utsleppspunkt skal innmålast og koordinatar skal sendast kommunen, seinast ved førespurnad om mellombels bruksløyve/ferdigattest.

Anlegget eller nokon del av det kan ikkje takast i bruk før det ligg føre mellombels bruksløyve eller ferdigattest etter plan- og bygningslova.

Tilsyn, endring og opphøyr av løyvet

Kommunen er forureiningsstyresmak og fører tilsyn med at føresegner, lovverk og vedtak fatta i tråd med forureiningsforskrifta kapittel 12 vert følgd. Forureiningsstyresmakta har rett og plikt til å utføra tilsyn med avlaupsanlegga. Tilsynet vil kunna omfatta kontroll av anlegg si yting/funksjon og kontroll av kvalitet på utført sørvis og vedlikehald. Eigar av anlegget må dekke kostnad knytt til tilsyn og kontroll, jf. forureiningslova kap.7.

Om utsleppet fører til uventa forureiningsproblem, kan forureiningsstyresmakta oppheve eller endre vilkåra i utsleppsløyvet, sette nye vilkår og om naudsynt kalle tilbake løyvet i samsvar med forureiningslova § 18, jf. forureiningsforskrifta § 12-14.

Ved all vidare kontakt i denne saka, ver venleg og referer til **saknr.: 16/1383**

Med helsing

Siril Sylta
avdelingsleiar

Anne Lise Molvik
rådgjevar

Dette dokumentet er elektronisk godkjent og har difor ingen signatur.

Kopi til:

Arild Oppedal
Teknisk drift

Nedbergelien 4 5178

LODDEFJORD

Mottakrar:

Anders O Grevstad

Conrad Mohrsvei 5072
15

BERGEN